

Doenghbaez miz boux yenzvaih ndeu, de miz sam boux lwgmbwk, dah’ it, dahngeih cungj haq hawj bouxvunz miz ngaenz lo. Hoeng dahsam cij haq hawj bouxhoj daeglei. Daeglei gig gvai, swheij mbouj haengj yungh-rengz guhhong, cungj dauqbae ranz goengda aeu ngaenz.

Miz ngoenz he, Daeglei youh bae ranz goengda aeu ngaenz. Goengda mbouj siengj hawj, couh naeuz: “Danghnaeuz mwngz rox hwnj gwnzmbwn bae aeu bak roeg dauqdaej, gou couh hawj mwngz ngaenz.” Daeglei couh cauj haeux hom, coq roengz laeuj bae ngauz sam ngoenz sam hwnz, dak sau j le couh saj youq gwnznamh. Baez neix couh miz haujlai roeg daeuj dot haeux gwn, gvaq yaep he gyoengq roeg cungj fiz lo, ninz youq gwnznamh. Daeglei gip duzroeg ndeu dauqma ranz, de daet bakroeg roengzdaej dawz bae hawj goengda yawj. Goengda yawj le cam: “Gou heuh mwngz bae gwnzmbwn aeu bak roeg dauqdaej, mwngz guhmaz dawz aenbak duzroeg ma?” Daeglei naeuz: “Mwngz mbouj dwg naeuz hawj gou bae aeu bakroeg?” Goengda cijnaengz nyinhsaw lo, caemh hawj ngaenz hawj de lo.

Doeklaeng Daeglei yawjraen ranz



bouxwnq miz vaiz cae naz, de rox ranz goengda miz vaiz lai, couh hwnj ranz goengda bae lo. Daeglei bae daengz ranz goengda, dingjilingz dingqnyi goengda doiq boux hen vaiz naeuz: “Mwngz yaek hen ndei lo, gou miz 99 duz vaiz, daengz haemh dauqma duz he cungj mbouj ndaej siuj!” Daeglei doq buet bae ranznden ciq duzvaiz he daeuj, swnh boux hen vaiz caeuj goengda mbouj haeujsim, couh cuengq duzvaiz ciq haenx haeuj rienghvaiz goengda bae.

Doeklaeng Daeglei youh bae ranz goengda naeuz de youh siengj aeu ngaenz. Goengda aenvih saeh baez-gonq hozhwnj Daeglei, couh naeuz: “Daeglei, mwngz cai ndaw riengh gou miz geijlai duz vaiz?” Daeglei dap naeuz: “Bak duz.” Goengda riuha

naeuz: “Mbouj dwg mbouj dwg!” Daeglei naeuz: “Goengda mwngz gangj gou naeuz mbouj deng, mwngz gangj miz geijlai duz?” Goengda naeuz: “Gou haengjdingh rox vaiz gou miz geijlai duz!” Daeghlei naeuz: “Yiengh-neix raeuz dajdoj, danghnaeuz gou hingz, mwng couh hawj duzvaiz he hawj gou; danghnaeuz mwngz hingz, gou couh hawj mwngz duz he.” Goengda mbouj rox dwg hongx Daeglei, nyinhnaeuz swheij itdingh hingz, couh doengzeiq lo.

Yienghneix song boux de caemhdoh dauj daengz rienghvaiz, goengda geq bae geq dauq, caen miz bak duz vaiz dahraix. De simniemh: Yenzlaiz gou miz 99 duz, seizneix lai okdaej duz ndeu, danghnaeuz gou saw lo, hawj Daeglei duz ndeu, gou hix

mbouj goem. Yienghneix goengda couh hawj Daeglei duz vaiz he.

Daengz ngoenz daihngaih, goengda lij mbouj simlaemx, youh bae geq vaiz, cij raen ngamq miz 98 duz. Yenzlaiz daengz gyanghwnz Daeglei caegcaeg hai bakdou rienghvaiz goengda, duzvaiz gyangngoenz de ciq ranznden ma haenx gag roxroen dauqbae ranznden lo. Ndigah goengda cijmiz 98 duz vaiz. Goengda rox dwg Daeglei loengh saj bajheiq, gig hoznyaek, doq bingh youq gwnz congz. Daeglei mbouj gamj bae ranz goengda lo, cijnaengz gaenx guhhong ciengx ranz.

Miz ngoenz he, Daeglei ndaem naz baeg lo, couh daengz henzdah gop raemx gwn, byawz rox, aen mauhdiemx de doek roengz ndaw dah bae. Daeghlei ganjgip bae vez aeu, aenvih ndwn mbouj maenh gvad roengz ndaw dah bae. Daeglei rox youzraemx, hoeng song cik din deng golabfangz heux maenh le, mbouj miz rengz youz dauq henz dah. Doeklaeng Daeglei couh deng mbaetdai lo.

Doeklaeng vunz gizneix cungj naeuz Daeglei vunz gvai lai, lungzvuengz yawj mbouj gvenq de couh byaeu de bae lo.

(Vangz Genh hoiz)

gojsaeh iq

Genjdanh Dauhleix

简单道理


□ Yiz Yinzcangh

Gaxgonq, miz song boux vunz dungx gig iek, ndaej boux laux ndeu soengq hawj doxgaiq: Gaenj faexset ndeu caeuj gez byahung rim he. Boux ndeu aeu gez byahung rim, lingh vunz aeu gaenj faexset, leuxle song boux de couh gak byaij gag roen lo. Bouxvunz ndaej bya youq gizde couh coemh fwnzsauj cawj bya gwnguk, yaepyet, de couh gwn bya caeuj dang seuqsat, mbouj geij nanz, de couh iek dai youq henz aen gez byouq haenx lo. Boux vunz aeu gaenj faexset haenx nyaenx dwk dungx iek, baez yamq baez yamq gig

gannanz dwk byaij bae coh henzhaij, hoeng, daengz de yawjraen giz mbouj gyaе raemxhaij heuswd seiz, gaenq baeg dwk mbouj miz saek di rengz, doeklaeng de hix gikheiq dwk dai bae lo.

Youh miz song boux vunz dungx iek, song boux de ityiengh ndaej boux laux ndeu soengq hawj gaenj faexset ndeu caeuj gez byahung rim he. Cijdwg song boux neix mbouj gak byaij gag roen, dauqfanj doxyaeng caemhdoh bae ra haij, song de moix baez cij cawj gwn duz bya dog, ginggvaq bin bya dangh dah, song de daeuj daengz henzhaij lo, doeklaeng, song boux neix couh haindu j dwkbya gvaq ngoenz, gvaq geij bi le, song de gak vunz hwnj ndaej aen ranz ndeu, gak boux gag miz ranz, miz lwg, gag guh ruz, ndwenngoenz gvaq ndaej gig vuenyungz.

Boux vunz ndeu dan goq leih’ik dangnaj, cijnaengz ndaej daengz vuenangq yaepyet; boux vunz ndeu muzbyauh sang gyaе, hoeng, hix yaek aeu bae najdoi q swnghhoz yienhsaed.



Gingj ndei Bingzgoj Yen.

Bi 1970 ndwen 5, swcigih cingq-sik laebbaenz aen cijveihbu daveican hwnjguh goekdaej Liujganh. Veiz Gozcingh caenndang bae daengz Liujganh, doiq Liujganh guh daveican guh liux ciji, iugouz gij danvih caeuj vunz lai camgya daveican haenx, caezsim caezrengz, haenqrengz guhhong, caenhvaiq dawz Liujganh gauj hwnjbae. Seizde, gij danvih cigciep camgya veican haenx miz Guengjsae Yejginh Gensez Gunghsw h、Gihgen Haj Gunghsw h、Gih Gihgai Gunghsw h、Gih Vuzsw h Sezbei Gunghsw h、Gih Cunggunghye z Gunghsw h、Liujcouh Gunghcwngz Gihgaicangj、Liujcouh Gihgaicangj、Liujcouh Dohlahgihcangj daengj 31 aen danvih, lij miz Namzningz Yejgvangcangj、Liujcouh Gunghyaz-gihcangj daengjdaengj ndaw gih rog gih 32 aen danvih dem, bae guh sojmiz gij doxgaiq sezbei veican aeu yungh haenx. Gij ganbu、vunzgoeng、lauxsae

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

caeuj hagseng Liujcouh Si dangjcwn g gihgvanh、gunghcangj、hagdangz dox-lwnz bae daengz gij dieghong yivu guhhong, hawj yamqdin mbegvangq Liujganh guh ndaej engq vaiq.

Veiz Gozcingh doiq hwnjguh Liujganh, daj hanghmoeg daengz hwnjguh boiqdauq, cungj naemj daengz caez liux. De caenndang sij saenq hawj Yizgihbu Lij Suijcingh buchangj, cingjgouz de anbaiz cau h 10 dauq sezbei lienhgang、lienhciu caeuj daenzgang sezbei hawj Liujganh. Ndae j Yizgihbu bangrengz le, de youh ceijdingh Yin z

Gwnghgingh guh boux cujchangj coi huq, fucwz caeuj gij bumwnz sezgi、gunghcangj caeuj mizgven danvih Yizgihbu guh lienzhaeh, baujcwn g 10 dauq sezbei neix ndaej ciuqseiz yinh daeuj daengz. Seizhaenx, cunghyangh hawj Guengjsae yungh vaivei bi cij ngamq miz 100 lai fanh Meijyenz, miz vunz naeuz, dwg mbouj dwg yungh mbangj vaivei bae cawx di yw he, Veiz Gozcingh mbouj doengzeiq. De naeuz: “Gij vaivei mizhanh neix doiq Guengjsae daeuj gangj gig dijbauj, raeuz yaek aeu yungh youq giz gaenj

yungh.” Liujganh aeu yungh vaivei daj Yizbwnj cawx gij gihgi ma guh heiqyangj, de baecin j hawj gyoengqde yungh gij vaivei neix. Liujganh cangj hung, gunnanz lai, doiq Guengjsae fazcanj ginghei gig youqgaenj, de ok le haujlai lwedhanh hawj aen cangj neix, lai baez bae Liujganh liujgai j cingzgvang, bang gaijgez gannanz. Youq Liujganh swnghcanj guh mbouj hwnjbae seiz, de caenndang doigawj gij goengdaeuz maenhndei bae gizde bang gaijgez nanzdaez, dawz gunghcoz gaem hwnjbae.

(caengz sat)